

D E

?

HAEROICITATE

VIRTUTVM

In Beatificandis, &
Canonizandis re-
quisita.

MICHAELE ANGELO

L A P I O

BIBLIOTHECA PAZC. T O R E.
ROMA
VITTORIO EMANUELE



R O M A E

Typis Nicolai Angeli Tinaffi 1671.

Superiorum Permissu.

AD LECTOREM.



NONNULLAS lucubratiunculas meas superioribus annis prælo tradidi, non ut il-

las in publicum darem, cum virorum auribus doctrina, & scientia prædicatorum dignas non existimauerim, sed ut dispendio amanuensium parcerem, minorique sumptu flagitantibus amicis facerem satis. Has non improbatas audiui ex eo præsertim, quod eruditus vir Valentinus Steber Eichsfeldiacus Heiligenstadianus epistolam, quam Italico idiomate scripsi super inedia Beati Nicolai de Flue in latinum vertit, ac vitæ eiusdem

*Beati à Petro Hugone Societatis
 Iesu olim exarata, ac denuo im-
 presse adiunxit. Id animū adie-
 cit typis mandare, quæ de heroi-
 citate virtutum requisita in
 Canonizandis breuiter in v-
 num congeffi. Ea igitur, beni-
 gne lector, perlegere ne graue-
 ris, cum multa non sint, nam
 si tibi non iniucunda fuis-
 se cognouero, alia opuscula for-
 san non vulgaria, ut ocij tem-
 pus aliquo leuamine temperes,
 propediem expecta. Vale.*

DE HAEROICITATE

*Virtutum requisita in Bea-
tificandis, & Canoni-
zandis.*



Heroicitas in virtutibus non vniformiter, sed multifariam a diuersarum scientiarum professoribus consideratur.

Aliter enim illam Philosophi, aliter Canonistæ, aliter Theologi contemplantur. In hoc tamen conueniunt, quod consistat in quodam eminenti modo operandi, qui communem vsum superet, & quasi diuinam attingat conditionem. Nec vt virtus ab alijs specie distincta debet haberi, sed vt gradus supremus, qui in qualibet potest reperiri. Vtque virtutes omnes vel in ordinem, & ad finem ciuilem, vel in ordinem, & ad finem supernaturalem diriguntur, sic hæroicitas ad vtrumque finem perpendi valet. Ad finem ciuilem, quando homines illis vtuntur ad priuatum, proprium, seu reipu-

blicæ commodum; ad finem vero supernaturalem, quando easdem ad Deum, illiusque legis perfectam, exactissimamque dirigunt observantiã.

Philosophi, qui hæroicitatem tantummodo meditantur secundum causas naturales, docent, eandem nõ excedere vires naturæ, sed solũ superare communem vsum operandi, & recensendo illius causas asserunt, quod prima, & potissima causa est temperamentum, quod si natus optimum ab astris in natiuitate sortitus fuit, procul dubio facilius operabitur secundum virtutem, & maiora, quam qui malum fuit affecutus. Nec immerito, nam anima rationalis, vt immortalis, & ad æternam beatitudinem creata naturaliter summum appetit bonum, corpus verò, seu pars animæ sensitiva, vt mortale, & caducum propria, & naturalia delectamenta, quæ vt plurimum tendunt ad vitia. Cumque anima rationalis nil fere valeat agere, nisi mediantibus sensibus, illos ad operandum ea, quæ virtuti sunt cõsona semper conatur inducere. Corpus vero e cõtra voluptates, aliasque illecebras

cebras spreto rationalis imperio nititur operari. Vndè inter vtrumque continuum euenit prælum, licet non singulis hominibus idem. *Picolom. de mor. grad. 3. capit. 8. in mæd. vers. his 4. B. Laurent. Iustin. de vit. sol. cap. 5.* Quamuis enim vnique animæ rationali ad sequendam vîrtutem, superandasque malas, quibus præmitur, passiones dederit Deus æquale robur; corporibus tamen, seu parti animæ sensitiuæ non æqualis tributa fuit mala inclinatio ad delectamenta, & voluptates. Nam cum præcipua causa inclinationum sit temperamentum, idque oriatur, & regatur ab astris, vt illa diuersimode temperamento dominantur, sic inclinatio prona est magis vel minus ad hæc, vel illa delectamēta. Nō enim pariformiter flagrabit cupiditate diuitiarum, qui in genesi Saturnum habet fortem, in angulis, & dominum genituræ, ac ille, cui est dominus Iupiter, Saturnus verò debilis, in cadentibus, & peregrinus. Nam hic cum Iupiter sit natura temperatus, proindeque passiones nō habeat alteratas ad diuitias, vel parum illas

curabit , vel nihil faciet . Ille verò cum Saturnus sit valdè frigidus , & ficcus , ac influat suo valido aspectu in nati temperamentum huiusmodi qualitates, ex quibus oritur pusillanimitas , & ex pusillanimitate auri desiderium, & habendi immoderata cupiditas, adeò vehementer eas appetet , & sataget adangere , vt proprijs , & necessarijs parcat sumptibus, idque quia terra, ex qua aurum cæteræque diuitiæ comparantur, est sicca, Saturnus pariter, sub quo præfati nascuntur ficcus, vndè facilis inter eos amicitia, & amor . Hinc D. Thom. 3. *con.gent.lib.2.cap.7.* recensendo sententiam Damasceni asserentis alios, aliosque planetas diuersas complexionem , nec non habitus , & dispositiones in nobis constituere .
 „ Verùm est, inquit, quod propositione centiloquij affert Ptholomeus ; quod si Mercurius fortis fuerit in alicuius natiuitate in domino Saturni, nato bonitatem intelligentiæ in rebus meditullius significabit . Astra namque possunt esse causa bonorum non solum, vel malorum , & origines, sed nostræ prauæ

„ prauæ , & bonæ voluntatis . Cum
 „ enim sensus fuerit benè ordinatus,
 „ voluntas flectitur ad benè eligen-
 „ dum , si male ordinatus ad male
 „ eligendum propter malam incli-
 „ nationem .

Nec me latet , quam plurimos
 non assentiri , quod astra sint causa
 perturbationum , asserendo illa vni-
 uersaliter in elementa influere, non
 autem particulariter in indiuiduis ,
 quia cum temperamentum consti-
 tuatur elementis , seu eorum quali-
 tatibus, vt astra dominantur in aquã,
 & aerem, cæteraque elementa, ita in
 humores , & spiritus animales, cui
 vnita est mens *Campanell. astron.*
in profat. par. 6. vers. sicut enim. Et
 tamen verum est, quod licet vtrum-
 que prædictæ inclinationes præmāt
 animam rationalem , nihilominus
 non potest inde inferri necessi-
 tas ex eis operandi , quia nunquam
 adeo vehementes existunt , vt eam-
 dem inuite cogant secundum tem-
 peramentum agere , tum quia ani-
 ma rationalis , cum sit immortalis ,
 & æterna, & in hoc beatis mentibus
 assimiletur , vt illæ , ita nec ipsa

astris subest, tum quia cum voluerit Deus inclinationibus prauis, quæ ex temperamento nascuntur, hominem stimulari, vt contra eas pugnando, & de eis victoriã reportando præmium mererentur sempiternum *D. Anton. in sum. cap. 6. de union. anim. ad corp. col. 1. vers. 3. ratio. Beluac. in spec. natur. lib. 23. cap. 6. Duran. in concert. tit. 1. fol 19. vers. concupiscentia vero. Rainaud. de sobri. alter. sex. freq. cap. 5. §. illatum fol. 98. non valeret finem consequi, & frustra laboraret, si illis necessario obtemperandum, & secundum eas esset operandum. Ad cuius corroborationem satis sit adducere, quod sicuti aliquis flagitij reus, quamuis exquisitissimis efficiatur tormentis à Iudice non potest cogi inuito fateri delictum. Sic anima rationalis compelli nequit ab astris, quæ suauiter agunt, sequi inclinationes temperamenti, si ipsa nolit, cum violentius trahatur quis sequi voluntatem alterius vi tormentorum, quam attractio blanditiarum. *Campanel. astron. in præf. pag. 2. vers. hominem autem. Cabeas sup. meteor. Arist. lib. 1. text.**

5. *quæst. 2. §. dicendum .*

At non inficior , vehementissimas animi passiones non nisi cum maxima difficultate posse superari, nec satis esse quamlibet virtutem , sed necessariam sapientiam iuxta vulgatum adagium . Sapiens dominabitur astris . In quo notandum , quod non fuit dictum, sciens dominabitur, quia cum scientia versetur circa humana, & inferiora non videtur sufficiens ad comprimendas huiusmodi vehementissimas perturbationes, quæ quodammodo humanas facultates excedere videntur , sed necessaria est sapientia , quæ ut circa diuina versatur, sic animam, dum in humanis existit, super astra attollit, & efficit , ut illis dominetur , & clausa in corpore mortali vitam peragat cælestem . Vnde non immerito Picolom. *de morib. grad. 6. cap. 8. vers. cum præterea.* existimat, homines, qui præmuntur adeò malis inclinationibus hæroice agere, si illas superant , & secundum virtutem contrariam operantur . At quia per quam arduum, & difficile est huiusmodi temperamenti, vehementissimas qualitates per sensus ex-

teriores alijs innotescere, idcirco ferè nullus hac solum de causa inter hæroas adscriptus reperitur .

Secunda causa hæroicarum virtutum non minus antecedente proficua educatio natorum est, quia cum intellectus in ætate tenella non satis sit propria virtute , & doctrina sensui resistere , opus habet instrui , vt possit voluntatem sibi obsequentem reddere , & in cæteris suæ vitæ ætatibus vehementissimis sensus incitamenti obistere, & aduersari . Nam cum inter præstantiores animæ potentias intellectus , sensus, & voluntas primas partes obtineant , & intellectus , ac sensus ducis munere fungantur , voluntas vero sectarij locum teneat, nil agit volūtas suapte natura, sed quicquid illi suadet, ac ostendit intellectus, aut sensus. Hic, vt supra dictum est , oblectamenta, intellectus vero, quæ iusta , & secundum virtutem, sunt, indicat, ac præscribit . Voluntas vero illi præstat assensum, qui validiori , & potentiori suadet incitamento . Hinc à natiuitate ad virilitatem vsque sensui magis adheret, cum in illa ætate

ætate vegetior sensus in dies efficiatur, & naturaliter maioribus voluntatem agat stimulis absque intellectu præsertim in infantia, & pueritia contradictione, qui natura nescius, & non nisi aliorum doctrina, vel longa rerum experientia edoctus voluntati imperare, sensuique refragari non satis est. Quod secus accidit in reliquo vitæ cursu, nam tunc intellectus, si pravis habitibus ad malum non sit proclivis, si non educatione, saltem proprijs eruditus periculis, voluntatem ad bonum cōpellit parum, & quandoque nihili repugnante sensu, cum illo tempore vires illi decrescant, & minori in dies molestia afficiat voluntatem.

„ Quapropter Plato *lib. 6 de leg.*
 „ Homo, inquit, si cum natura felici rectam quoq; disciplinam fuerit affectus in diuinissimum, mansuetissimumque animal solet euadere; si verò non satis, aut bene fuerit educatus in ferocissimum, omnium, quæ in terris nascuntur animal redditur, & Plutarc. in *opusc. de lib. educ. circa princ.* ait,
 „ Quod fons, & radix virtutis, & honesta-

nestatis vitæ est institutio proba , & paulo ante volens exprimere quanti sit facienda educatio, pro valido argumento vsus est exemplo tradito Lacedemonijs à Licurgo duorum venaticorum catellorum ex vna matre natorum , quorum alter delicijs, & ventri, alter indagini , & venationi fuerat educatus, ante quos posita patina, & lepore, qui venationi incubuit leporem insequutus est , qui ventri vacauit patinæ adhæsit, vt escam deglutiret.

Tertia causa, quæ temperamento, & intellectui maxime opitulatur alimentum est . Et primo quamplurimum prodest temperamento , quia licet cibus digestus primo in chylum, deinde in sanguinem, & demum in vnumquodque corporis membrum immutetur , propria tamen, sua elementaris qualitas non adeo tollitur , vt aliquo modo non communicetur membris , in quibus convertitur , & temperamenti qualitas contraria , quam quis in natiuitate sortitus est, saltem in parte non temperetur, ita vt facilius actiones temperamento adscititio conuenientes ope.

operetur . Esto enim , quod quis sit temperamento siccus , & calidus , ideoque facilis ad iram , si vescatur cibis humidis , qui ad frigiditatem , potius , quam ad caliditatem tendant , ut calorem, sic iram temperabit . Hinc quia in senectute humidum plerumque decrescit , & siccitas augetur , senes magis ad iram proni , & fastidiosi , licet in iuuentute fuerint benignitate præditi . Secundo opitulatur etiam intellectui , quia licet intellectus saltem universalia per se cognoscat , nihilominus cum principalem sedem in cerebro habeat, non valet perfecte etiam uniuersalia , nedum particularia, & indiuidua, quæ absque organis sensus non cognoscit, contemplari , si cerebrum infirma conflictetur valetudine, aut noxijs vaporibus, qui a stomaco praua cibi qualitate , aut indigestione ascendunt, afficiatur . Quo circa Fermeliùs de *funct. & hum. lib. 6. cap. 15. post med.* „ Neque , ait , insita solum , & con- „ genita nobis, sed & adscititia con- „ stitutio animi facultates, moresque „ mutat, & corpore puro, omnique for-

„ sorde vacuo candidi sunt morēs, &
 „ hebetes vires animi. Quod tam
 „ multa, tanque varia sint homi-
 „ num ingenia, tanque dispare
 „ eorum mores, alij sobrii, alij vi-
 „ nosi non aliunde petendum, quam
 „ ex corporis naturali, aut adscititia
 „ constitutione. Iam vero si corpus
 „ grauius morbo afflictabitur, quis
 „ dubitat occupata, impeditaue ani-
 „ mi sede illius vires impediri, aut
 „ perturbari? Si corpus, spiritusque
 „ vehemēter concutitur, aut in febriū
 „ ardoribus mens constare non po-
 „ test, sed cuncta turbido motu com-
 „ mouentur. Sin vero corpus mor-
 „ bo prostermitur, animæ vires pari-
 „ ter elanguescunt, neque laboranti
 „ possunt subsistere. Quod etiam
 „ confirmat D. Gregorius Nissenus.
 „ *lib. 4. Philos. de vir. ani. cap. 9.* his
 „ verbis. Cæterum malæ passiones
 „ per hæc tria in sunt animæ; Per
 „ malam conuersationem, inscitiam,
 „ & in salubrem corporis habitudi-
 „ nem. Non bene enim a pueritia
 „ educati, vt passionibus domine-
 „ mur, in enormitatem harum inci-
 „ dimus. Ex iustitia vero male di-
 „ iudi.

,, iudicantes in excogitativa vi ani-
 ,, mæ conascuntur, vt existimet tum
 ,, mala bona esse, tum bona mala.
 ,, Accidunt insuper quædam passio-
 ,, nes, seu affectiones ex mala habi-
 ,, tudine corporis. Iracundi enim
 ,, sunt collerici, tristes verò calidi,
 ,, & humidi secundum complexio-
 ,, nem. Porro mali mores bona con-
 ,, suetudine curandi sunt, inscitia
 ,, autem per disciplinam, & doctri-
 ,, nam. Insalubris item corporis ha-
 ,, bitudo sananda est corporaliter
 ,, etiam transmutando, vt possibile
 ,, fuerit, in mediam crasim conue-
 ,, nienti dicta, & exercitijs, & phar-
 ,, macis, si his indiguerimus.

Verum quam efficax, & validum
 sit alimentum, & præsertim lactis ad
 progignendas, compescendasque ani-
 mi inclinationes egregie expressi Ma-
 crobius Saturnal. dier. lib. 5. cap. 11.
 explicans Virg. vers. 365. lib. 4. Ænead.

*Nec tibi Diua Parens generis, nec
 Dardanus auctor.*

*Perfide, sed duris genuit te cautibus
 horrens.*

*(tigres
 Caucasus, hyrcanæq; admorunt vbera
 Sic inquit. Quoniam vide-
 li-*

„ licet in moribus inolefcendis ma-
 „ gnam ferè partem nutricis inge-
 „ nium , & natura lactis tenet , quæ
 „ infusa tenero , & mixta parentum
 „ femini adhuc recenti , ex hac ge-
 „ mina concretionẽ vnã indolem
 „ configurat . Hinc eſt , quod pru-
 „ dentia naturæ ſimilitudinem nato-
 „ rum , atque gignientium ex ipſo
 „ quoque nutritu præparãs fecit
 „ cum ipſo partu alimonix copiam
 „ naſci . Nam poſtquam ſanguinis il-
 „ le opifex in penetralibus ſuis om-
 „ ne corpus effinxit , atque aluit , ad-
 „ ueniente iam partus tempore idẽ
 „ ad corporis materni ſuperna coſcẽ-
 „ dẽ in naturã lactis albefeit , vt recẽs
 „ natis idem ſit altor , qui fuerat fa-
 „ bricator , quamobrem non fruſtra
 „ creditum eſt , ſicut valeat ad fin-
 „ gendas corporis , atque animi ſi-
 „ militudines viſ , & natura feminis ,
 „ non ſecus ad eandem rem lactis
 „ quoque ingenia , & proprietates
 „ valere . Neque in hominibus id
 „ ſolum , ſed in pecudibus quoque
 „ animaduerſum , nam ſi ouium la-
 „ ctẽ hædi , aut caprarum agni for-
 „ ſitan alantur , conſtat fermè in his
 lanam

„ lanam duriores in illis capillum
 „ gigni teneriores . In arboribus
 „ etiam, & frugibus ad earum indo-
 „ lem vel detrectandam, vel augen-
 „ dam maior plerumque vis, & po-
 „ testas est aquarum, & terrarum,
 „ quæ alunt, quam ipsius quod iaci-
 „ tur seminis, ac sæpè videas lætam,
 „ nitentemque arborem, si in lo-
 „ cum alterum transferatur, succo
 „ terræ deterioris elanguisse. Idem-
 „ que confirmat Licetus *de monstr. lib.*
2. cap. 64. asserens, quod patet ex-
 „ perientia, puerum nutritum lacte
 „ buillo, aut canino, mores, & pro-
 „ pensiones animi consimiles induere
 „ affectionibus animalis nutrientis.
 „ Et exempla quamplurima eorum,
 „ qui lacte alicuius animalis nutriti
 „ eorundem propensionibus se exti-
 „ mulari senserunt recenset Gaspar
 „ à Reies in campo Elisio *quest. 47.*
nu. 23. & seqq. inter quæ illud præ-
 „ cipuum, & admirandum est, quod
 „ refert his verbis. Ioannes Guttierrez
 „ de Godoi *tract. de educat. pueror.*
 „ *discurs. 3.* prope finem à nobili fæ-
 „ mina Hispali audiuisse narrat de
 „ quadam muliere sibi nota, & ami-
 „ citiæ

„ citiæ familiaris , quæ pæstis tem-
 „ pore pæpererat , & à mammis
 „ agrotauerat , vt infantem suum
 „ alere minimè posset. Cumque ob
 „ temporis angustiam nutrix alia
 „ non inueniretur, famulus quidam
 „ ne puer fame periret, ad porca
 „ vbera illum admouit, cuius tandem
 „ lacte, cum aliud non daretur , nu-
 „ tritus est . Verum adolescens iam
 „ factus edendo , & bibendo spu-
 „ rus, atq; intemperatus adeo eua-
 „ sit , vt nullus sui cultus curam ha-
 „ beret . Quin ex materna inclina-
 „ tione lutosa loca , & cænosa adeo
 „ optabat, & amabat, vt in eis per-
 „ petuò volutari appeteret , quod
 „ de facto exequebatur sæpiùs in
 „ cænoso riuulo Tagerete se se su-
 „ more profluens. Huicque similem
 „ historiam de altero lacte suillo nutri-
 „ to affert *Sanert. lib. 2. in vit. par. 3. sect.*
2. c. 4. & innumeras compilauit idem
 „ Godoe ex Homero Virgilio, & Oui-
 „ dio, vt in ijsdem videre licet .

Quarta causa intellectui tantum
 modo proficua conuersatio cum bo-
 nis est , & bonorum lectio librorum
 Nam intellectus, vt supra dictum est

à natiuitate non valet ex se volunta-
 ti, quod decet, & iustum est præ-
 scribere, & in ætate puerili alienis
 instruī præceptis non ægre patitur.
 At in iuuenta pedagogis subdi de-
 dignatur, & prudentiæ suæ innixus
 alterius documenta sequi detrectat,
 libentiusque aliorum exemplis edo-
 ctus amplecti virtutem suadet volun-
 tati. Quo circa si natus cum probis
 viris conuersatur, si bonorum gau-
 det lectione librorū, facilius inflam-
 mari se sentiet ad virtutem, & secun-
 dum eam in gradu hæroico ad imi-
 tationem eorum, quorum gesta le-
 git, concurrentibus alijs causis ope-
 rabitur. Quare Seneca *epist.* 95. *lib.*
 3 sic inquit. Nulla res magis animus
 „ honesta induit, dubiosque & in-
 „ prauum inclinantes reuocat ad re-
 „ ctum, quam bonorum virorum
 „ conuersatio. Paulatim enim de-
 „ scendit in pectus, & vim præce-
 „ ptorum obtinet frequenter audiri,
 „ aspici frequenter. Occursus me-
 „ hercle, ipse sapientum iuuat, &
 „ est aliquid, quod ex magno viro
 „ vel tacente proficies. Nec tibi faci-
 „ le dixerim, quemadmodum proficit,

„ sicut illud intelligam profuisse .
 „ Minuta quædam , vt ait Phedon ,
 „ animalia cum mordent , non sen-
 „ tiuntur , adeo tenuis illis , & fal-
 „ lens in periculum vis est . Tumor
 „ indicat morsum , & in ipso tumo-
 „ re nullum vulnus apparet , Idem
 „ tibi in conuersatione sapientum
 „ eueniet . Non deprehendes que-
 „ madmodum , aut quando tibi pro-
 „ fit , profuisse deprehendes .

Recensent etiam nonnulli relati à
 Francisco Picolomineo . *de morib.
 grad. 1. cap. 28. & à Conibricen-
 sib. de gener. & corrup. capit. 11.
 qu. 4. inter causas operationum re-
 gionem, in qua quis nascitur, ideo-
 que diuersis nationibus , quarum
 meminerunt Cæli Rodiginus *lect.
 antiq. lib. 16. cap. 3. & lib. 18. cap. 18.
 & Alexander ab Alexandris Ge-
 nial. dir. lib. 4. cap. 13. asserunt mo-
 res tam bonos, quam malos ita esse
 innatos , ac si essent proprii , & per-
 petui . Verum ipsam regionem inter
 causas virtutum , vel vitiorum ad-
 scribendam non censeo, cum nihil in-
 fluat in natos , nisi quatenus est po-
 sita sub hoc, vel illo astro , vt ex do-**

Arina D. Thomæ docet Campanella *astron. lib. 2. cap. 2.* Et propterea prædictæ incolarum inclinationes referendæ potius sunt vel ad temperamentum ortum ab astris, quæ regioni dominantur, vel ad disciplinam, qua pueri iuxta consuetudinem loci educantur.

Et demum ne longior sim in recensendo singillatim vnamquamque causam, si vltra prædictas concurrant locus, tempus, occasio, & cætera instrumenta ad operandum secundum virtutē necessaria, is certe facilius in gradu eminenti operabitur, qui hæroicus dicitur, quam alius, cui multæ, vel etiam altera ex his deficient. Et quia omnes supradictæ causæ vix inter centena hominum millia in vnum concurrunt, ideo illum admiramur, vt pote insigni favore a secundis causis, & à natura decoratum, & super humanam quasi elatum conditionem.

Cumque supradicta omnia perbelle, & eleganter confirmet Franciscus Piccolomineus *de morib. grad. 1. cap. 3.* idcirco pro coronide illius verba subiiciam. Colligimus itaque

que

„ que pro formandis hominum mo-
 „ ribus conducere cœlos , & astra ,
 „ & communes causas . Conducere
 „ fatum , vt est idem cum natura , &
 „ ab ea sola ratione distinctum qua-
 „ tenus per naturam hoc nostrum
 „ organicum corpus vario modo
 „ construitur . Conducere tempera-
 „ mentum , vt materiam , stimulum ,
 „ & instrumentum . Præsertim ta-
 „ men tanquam à causa nedum pro-
 „ xima , sed principe oriri perturba-
 „ tiones à facultate imaginandi , &
 „ appetendi . Formari vero mores
 „ disciplina , educatione , ratione , as-
 „ suetudine , quæ quamuis confe-
 „ rant omnibus , in illis tamen , qui
 „ per naturam ad virtutes sunt faci-
 „ les maiorem habent vim , & faci-
 „ lius ad optatum finem perducunt.
 Idemque repetit . *grad. 6. cap. 8.* in
 quo specialiter tractat de hæroicita-
 „ te , per hæc verba . Præterea in
 „ gradu moralium virtutum patefe-
 „ ci virtutem omnem esse compo-
 „ tum amorem . Si alterum genus
 „ principiorum consideramus , quod
 „ minus pertinet ad essentiam hæ-
 „ roicæ virtutis , inueniemus eam
 ful-

„ fulgere posse, vel ob vehementem
 „ perturbationem, vel munere na-
 „ turæ, fortunæ, & assuetudinis. Ut
 „ pertinet ad vehementissimas per-
 „ turbationes, scimus fulgere forti-
 „ tudinem, & victoriam ex bello
 „ cum hoste robustissimo. Præte-
 „ rea si quis à Deorum cultu abhor-
 „ reat, ad infames voluptates sum-
 „ mopere sit proclivis, ut ad concu-
 „ bitum cum feris, cum matre, cum
 „ sorore, siue ad comedendos na-
 „ tos suos; dum tam vehementes, &
 „ infames perturbationes prostermit,
 „ heroice refulgebit. Insuper ex na-
 „ tura oriri potest fulgor, dum scili-
 „ cet per naturam sumus faciles, val-
 „ deque prodiues ad honestum, ad
 „ actiones illustres, ad dilectionem
 „ Dei, & proximi, nam tunc habi-
 „ tus ad sublimem finem dirigentes
 „ facilius, illustrius, & firmitus in
 „ nobis gignitur. Fortuna quoque
 „ non leue momentum afferre po-
 „ test, cum pro constituendo, tum
 „ pro patefaciendo heroico splen-
 „ dore. Dum enim regia dignitate
 „ nos ornat, instrumenta illustrium
 „ virtutum nobis præbet, opportu-

„ nitatesque varias affert splendidi
 „ operandi . At tunc si eius muneri-
 „ bus congruenter utamur hæroica
 „ virtute facile refulgebimus . In vi-
 „ ro enim principe , ut deteriora ,
 „ magisque pernicioſa ſunt vitia , ita
 „ virtutes ſunt illuſtriores , magiſ-
 „ que ſalutares , cum ſint exempla , &
 „ duces vitæ populorum . Insuper
 „ fortunæ bona ſunt instrumenta vir-
 „ tutum , & vitiorum . Virtus autem
 „ instrumento , & viribus munita
 „ longe illuſtrius fulget , quam eis
 „ deſtituta . Præterea , qui fortu-
 „ nam apprime aduerſam nedum
 „ conſtanter ferunt , ſed animi ro-
 „ bore ſuperant , hæroice fulgent .

Ex his ergo patet , quod actus hæ-
 roici ad finem civilem non excedunt
 vires naturæ , cum ortum ducant ex
 præfatis cauſis naturalibus , ſed tan-
 tummodo ſuperant communem
 uſum operandi .

Qui vero actus exiſtimandi ſunt
 hæroici , non recenſeo , quia cum
 non poſſit certa regula conſtitui in
 arbitrio iudicantium reliquendum
 eſt , & propterea poterit quiſq; illos
 ex ſe iudicare , & quatenus exempla
 requi-

requirat, abunde illa inueniet in tra-
ctatibus eorum, qui de heroicitate,
virtutum scripserunt; & præsertim
apud Brancatium a baurea virum in
vnaquaque scientia & doctrina præ-
stantissimum *de virt. Cardin. to. 2. tit.*
de virt. heroi.

Quo vero ad heroicitatem in or-
dinem, & ad finem supernaturalem
quæ propria est eorum, qui beati-
ficationis & canonificationis hono-
re sunt decorandi, multa videntur
præmittenda, vt facilius appareat,
in quo consistat, & quæ sit differen-
tia super ea inter Canonistas, &
Theologos.

Et primo præmittendum est, quod
causæ omnes supranarratæ, quæ
inducunt heroicitatem ad finem ci-
uilem, parum aut nihili habendæ
sunt ad constituendâ heroicitatem
ad finem supernaturalem, cum il-
lius precipua, & vnica causa sit gra-
tia diuina.

Secundo quod heroicitas ad fi-
nem supernaturalem principaliter
consistit in charitate in Deum, & in
actibus ad finem æternæ beatitudi-
nis consequendæ.

Tertio, quod nonnulli asserunt heroicam ad finem supernaturalem consistere in eodemmet fine, quatenus est ordinatus, & directus ad charitatem erga Deum, & proximum, & ad consecutionem post mortem summi boni. Alij vero nolumus in prædicto fine, sed etiam in magnitudine operationum, ita ut eos tantummodo operatos fuisse heroicè dixerint, qui in eorum actionibus vel medium, quod impossibile est respectu infinitatis obiecti, quod est Deus, vel gradus illi proximiores, prout humana fert conditio, attigerunt.

Quarto, quod medium, in quo consistit virtus non est reale, sed rationis, seu ut alij loquuntur non arithmeticum, sed geometricum, & ideo non semper ideum, quodque medium alicuius virtutis ad finem supernaturalem quandoque pervenit ad talem terminum ratione finis, & obiecti, ut extremum esse videatur, prout est virginitas, quæ ad finem civilem considerata, utpote contraria conservationis generis humani potius extremum effrenatæ libidi

libidinis quam medium existimari debet, cum vtriusque dicti extremi medium sit legitima, & moderata maris, & faminae coniunctio. At ad finem supernaturalem perpenſa non extremum, ſed medium, illudque etiam imperſectum eſt iudicandum, quia cum homo teneatur diligere Deum toto corde, ac mente, & anima pura, prout vires humanæ patiuntur, non eſt ei vitio adſcribendum, ſi vt id facilius aſſequatur, abſtinet à quacumque voluptate carnali, quæ a diuinis ſemper abſtrahit, & virginitatem ſeruat, cum huiusmodi abſtinentia nedum perfectum, ſed etiam illi longe proximum puritatis gradum, quod Deum colere tenetur, attingat.

Quinto quod vita, quam homines vt plurimum ſectantur, ad conſequendam æternam beatitudinem duplex eſt actiua, & contemplatiua vt docet D. Thomas 22. *quæſt.* 179. *art.* 1. & 2. *in corp.* quæ licet in domo Domini diuerſa habeant officia, illa miniſtrando, iſta vacando, germanæ tamen ſunt, vt inquit D. Gregorius *homil.* 14. *ſuper Ezechiel.* ac

maxima familiaritate connexę, ac se se mutuo vt plurimum adiuuantes, ita vt sicuti à vitæ actiua proceditur ad contemplatiuam, sic aliquando spiritus à contemplatiua vtiliter ad actiuam reflecti debet, vt affectibus, quibus contemplatiua accendit actiuam, actiua perfectius compleatur. Nam exercitio vitæ contemplatiuę tanquam in speculo videtur quid in moribus corrigendum, quid perficiendum, quid conseruandum, ac in ea discitur, colere præcepta Dei humiliter, & adimplere perfecte, & cognoscitur quid facere, & quid vitare debeamus; ideoque actiui, & contemplatiui non vocantur, eo quia huic, vel illi vitæ totaliter incumbant absque eo quod nullatenus in alia se exerceant, sed eo quia magis vni, quam alię incumbant.

Sexto quod hæroicitas in canonizandis potest dupliciter considerari vel in actibus internis, videlicet in charitate in Deum, qua actus externi in vnaquaque virtute gesti formantur, vel in actibus externis, qui peraguntur in aliqua virtute particulari. Hæroicitas, quę, in charitate confi-

consistit potest inesse in vnoquoque actu cuiuscumque virtutis, & in hoc verificatur dictū Hostiensis in c. 1, de rel. & ven. sanct. quod in canonizando oportet adesse tantam excellentem vitæ, & talia esse miracula, quæ sint supra vires, & potentiam naturæ, nec sufficere vnā tantum excellentiam, immo multas, & continuas requiri. De quo fusius infra. Heroicitas vero, quæ consistit in magnitudine operationum externarū, non potest nullo modo inesse in pluribus virtutibus, quia impossibile est, vt quis actu in omnibus virtutibus se exerceat, cū vna quandoq; impediat aliā, nec quilibet homo possit in omnibus excellere, vt per belle cecinit, & si Ethnicus insignis Poeta. *Homerus Illiade 13. his verbis.*

*Vni non dat omnia Deus Verū.
Dotibus hos illis, alios his dotibus
auget.*

Nec ratione pari dispensant cuncta. Videsne.

*Hunc bellis præstare alijs virtute
gerendi.*

*Illum magno animo per aperra
pericula ferri.*

Indeuictum? alios veloci excellere cursu.

Nonnullos cythara, nervis, atque arte canendi.

Diversis ita diuersa dat Iupiter artes.

At quos consilijs voluit superare ferendis.

Mortales alios, & sana mente valere,

Hi sunt precipue, qui possunt esse saluti.

Vrbibus & populis recte, rebusque gerendis.

Et docet D: Paulus ad Efes. 4. & ad Cho. inth. 12. & D. Thom. par. 3. 4. 7. ad 1. & D. Hieronymus ad Pelag. dial. 6. cum quibus concordat D. Ambrosius lib. 5. super Luc. c. 6. S. „ de serm. Iesu sic inquit. Conne- „ xæ igitur sibi sunt, concatenatæ- „ que virtutes, vt qui vnā ha- „ bet plures habere videatur, & „ sanctis vna competit virtus, sed „ eius quæ fuerit vberior, vberius „ est præmium. Quanta hospitali- „ tas in Abraham. Quanta humili- „ tas, & sanctitas, vt fratris fi- „ lium ab hoste seruaret, & quanta absti-

„ abſtinentia, vt nihil de præda quæ-
 „ reret; ſed quia fide præſtitit, fidei
 „ præ cæteris meruit principatum .
 „ Ergo vnicuique plura præmia ,
 „ quia plura incentiua virtutum ,
 „ ſed quod in aliquo merito copio-
 „ ſius, hoc etiam in præmio redun-
 „ dantius .

His præhabitis faciliter cognoſci-
 tur, in quo conſiſtat hæroicitas ad
 finem ſupernaturalem, & ad effe-
 ctum canonizationis . Nam quam-
 vis ſupernaturaliter agatur operan-
 do ſecundum leges, & virtutes chri-
 ſtianas, cum ſupra vires humanas
 agatur, & proinde dici poſſit lato
 modo hæroice operari, vt nonnulli
 ſunt opinati, nihilominus, quia ſem-
 per Deus eſt paratus gratiam ad
 hunc effectum neceſſariam præſtare
 non videtur ſufficiens quæcumque
 operatio ad inducendam hæroicita-
 tem in canonizandis requiſitam, ſed
 neceſſe eſt, vt ſuperet communem
 uſum operandi, & propterea crede-
 rem hæroicitatem præſatam in duobus
 coniunctim conſiſtere . Primo
 in omnimoda, continua, prompta,
 & hilari mandatorum ad finem ſu-

pernaturalem obseruantia, & in omnium virtutum actuali nempe earum, quæ statui conueniunt, & virtuali, seu habituali aliarum, quæ ad statum non pertinent operatione. Secundo in magnitudine operationum in aliqua speciali virtute morali, si canonizandus secutus est vitam actiuam, & si sectatus est contemplatiuam in ascensione ad sublimiorem gradum contemplationis raptus, vel vnionis, quandoquidem sic agens adeo eminenter, & in hæroico gradu vitam transiget, vt dubitari nequeat, quod non fuerit insignitus speciali, & maiori gratia diuina, quam alij communiter, & quod potius vitæ cælestis, quam humanus censendus non sit. Ad quorum faciliorem intelligentiam reminisci oportet, quod in via virtutis plures constituuntur gradus. Ab alijs duobus tantum, progredientium, & progressorum. Ab alijs tres purgantium, & perfectorum. Et ab alijs quatuor exercentium se in virtutibus ciuilibus, purificantium, proficientium, & exemplarium. At quicquid sit de his distinctionibus, super quibus

non

o o o proficientium

non infisto, certum est, & ab omnibus receptum, hæroicitatem consistere in gradu perfectionis. Ideoque dixi hæroicitatem consistere in obseruantia mandatorum ad finem supernaturalem, quia non satis est obseruantia ad alium quemcumque finem, cum ex fine supernaturali tantum deducatur, operâtem adimplenisse præcepta ex gratia diuina. Nam cognoscere Deum, & reuereri, ut authorem naturæ potest etiam, quilibet Ethnicus, & paganus naturæ suæ relictus, & solo Dei auxilio. At eundem contemplare, & adorare ad finem supernaturalem, ut beatitudinem intellectualem, & rationales personas, & gratiam præstantem, ut ametur toto corde, & ex tota anima, & præcepta legis, prout ordinantur ad præmia vitæ æternæ obseruentur, non possunt nisi Christi fideles, quibus gratiâ primo in baptismo largiri Dominus dignatur, successuque temporis liberum arbitrium gratiæ adiectione confirmat, & adiuuat, ut se per actus egregios ad vitæ æternæ consecutionem disponat. Addidi in omnimoda, &

continua mandatorum obseruantia
 & in omnium virtutum operatione
 ad differentiam virtutum ad finem
 civilem . Nam in his potest aliquis
 excellere in aliqua particulari virtu-
 te , ita vt saltem in extimatione hæ-
 ros habeatur, nec est necesse, vt alias
 possideat , quin immo sæpè accidit,
 vt potius aliarum vice vitijs sit ob-
 noxius . Sic enim Ethnici . Aliqui
 namque in magnanimitate, & forti-
 tudine hæros extimati fuerunt , &
 in feritate vitiosi . Verum in hæroi-
 citate ad finem supernaturalem , cū
 charitas erga Deum , & proximum
 sit fundamentum , & forma cetera-
 rum virtutum , non potest quis eam
 habere perfectam, nisi omnia præ-
 cepta, in quarum obseruantia conti-
 nentur omnes virtutes, quæ ad bea-
 titudinem consequendam sunt ne-
 cessariæ , adimpleat , cum deficiens
 in vno in omnibus fiat reus. Iacob. 6.
 Hinc dixit Hostiensis in cap. primo
 de rel. & ven. sanct. non sufficere
 vnā tantum excellentiam vitæ ,
 imò multas , & continuam requiri ,
 & non sufficere , quod canonizan-
 dus in vno , vel semel tantum fuerit

gloriosus, sed requiri, quod in multis, & multoties, imò & continuè eius vita fuerit gloriosa. At illius dictum non ita rigorosè videtur intelligendum, vt canonizandus nunquam peccauerit, quia licet eius vita continuè debeat esse gloriosa, nō inde sequitur, hæroem non esse nuncupandum, si fortè humana fragilitate ceciderit, quia id Deus aliquando permittit, vt se humanum, & caducum, non diuinum, & impecabilem recordetur, vt non superbiat, sed humilietur, vt in timore, & tremore vitam transigat, vt cauior, & fortior euadat, vt illum probet, non vt deserat, habituque virtutis priuet, & demum vt illico resurgendo magis mæreatur, & post casum gloriosior cum triumpho resurgat. Prout etiam non est necesse, vt in omnibus virtutibus se exerceat, quia cum aliquæ inter se in eorum exercitio pugnent, impossibile est, vt omnes actu possideantur, & propterea sufficit, quod actu se exercuerit in ijs, quæ ad statum pertinent, & habitu in ijs, quæ illius statum non respiciunt. Dixi insuper,

hæroi-

heroicitatem consistere in prompto
 & hilari mandatorum Dei, & virtu-
 tum exercitio, quia cum natura hu-
 manapost lapsum Prothoplastis ita
 debilis, & sauciata remanserit, vt ne-
 dum ad malum prona sit, sed etiam
 non valeat bonum absq; repugnan-
 tia operari, quousque cum illa agit
 semper in purgantium, & proficien-
 tium gradu permanet, nec perfectio-
 rum metam attingit, nisi penitus ea
 superata, bonum hilari, & prompto
 animo operatur. Nec aduersatur,
 quod concupiscentia, ex qua oritur
 repugnantia minui potest non au-
 tem omninò tolli in hac vita, quia
 duplex considerari potest concupi-
 scentia, seu repugnantia. Alia sen-
 sus, alia mentis. Repugnantia sen-
 sus nunquam potest in totum tolli,
 quin suos producat effectus, nisi su-
 pernaturali dono id Deus efficiat,
 cum temperamentum, quod quisque
 in nativitate sortitur semper firmum
 maneat, quamvis possit vel benigna
 astrorum configuratione, vel con-
 trario cibo, & alimento aliququaliter
 variari. At repugnantia mentis li-
 cet non possit quandoque tolli, quin
 pri-

primos motus ex temperamento
prodeuntes non producat, ex mul-
tiplicatis tamen actibus secundum
virtutem ita mens potest assuefieri
ad bonum, vt statim illos compes-
cat, & abominetur, ac prompto, &
hilariter animo, quod ratio, & virtus
dictat exequatur, quod etiam co-
gnouit Lucretius *de rerum natura lib.*
3. vers. 307. quamuis animam cre-
diderit mortalem, sic inquit.

*Sic hominum genus est, quamuis
doctrina politos.*

*Constituatur pariter quosdam; tamen
illa relinquit.*

*Naturæ quoique animi vestigia
prima.*

*Nec radicitus euelli mala posse
putandum est.*

*Quin proclini hic iras decur-
rat ad acreis.*

*Ille metu citius paullo tenetur:
at ille.*

*Tertius accipiat quædam cleren-
tius æquo.*

Et in hac hilaritate, & promptitu-
dine ad omnia mandata Dei, & vir-
tutes consistit gradus perfectionis?
& heroicitas virtutū de qua agitur.

Cætèrum nec ista videtur sufficiens ad canonizationem, ideoque dixi secundo loco seruum Dei debuisse excellere magnitudine operationum in aliqua particulari virtute, vel in contemplatione, quia cum canonizatio fuerit instituta in Ecclesia catholica, non solum vt Deus glorificetur in sanctis suis, sed etiam vt Christi fideles illum imitentur, finem non assequerentur, si hæroicitas consisteret tantummodo in promptitudine, & hilaritate operandi ad finem supernaturalem, cum hilaritas præsertim non sit subiecta sensibus adeo vt percipi possit, qualis esse debeat vt huiusmodi hæroicitas acquiratur. Ideoque oportet, vt seruus Dei egerit opera, quæ magnitudine excedant communem modum. Nec ista magnitudo in operationibus debet esse proportionata medio, in quo consistit virtus civilis, sed longius illud excidere, cum medium virtutis ad finem civilem consistat in medijs naturalibus, at virtutis ad finem supernaturalem, cum alterum extremum ratione obiecti, quod est Deus, sit superna-

turale, & infinitum, nedum potest operibus naturalibus attingi, sed nec etiam per immensa spatia gradus illi longissime distantes assequi, ad eo vt hoc medium comparatum altero virtutis ciuilis potius iudicandum sit extremum, vt supra dictum fuit, de virginitate. Et hæc est virtus, quæ præcipue oritur ex speciali dono Dei, & non omnibus eadem, sed vnicuique seruo suo Deus diuersimode impartitur, dicente D. Paulo ad „ Ephesios 4. & ipse dedit quosdam „ Apostolos, alios Euangelistas, alios „ Prophetas, & *ad Corinth. cap. 22.* „ Vnicuique autē datur manifesta- „ tio spiritus ad vtilitatem. Alii qui- „ dem per spiritum datur seruo sa- „ pientiæ, alii autem sermo scien- „ tiæ secundum eundem spiritum. „ Alii fides in eodem spiritu. Alii „ gratia sanitarum in vno spiritu, „ alii operatio virtutum, alii pro- „ phetia, alii discretio spirituum, „ alii genera linguarum, alii inter- „ pretatio sermonum.

Firmato igitur in quo consistit hæroicitas in ordinem ad canoniza-
tio

tionem, remanet videndum, in quibus Canonistæ, & Theologi conueniant, & in quibus differant. Et proculdubio conueniunt in eo, quod hæroicitas dirigitur ad finem supernaturalem, & ad assecutionem æternæ beatitudinis, & quod superat communem vsum operandi. Differunt vero, quia Canonistæ illam statuere videntur primario in actionibus externis, & secundario in internis. Theologi vero è contra, vt infra patebit. Nec alia huiusce differentię videtur assignanda ratio, nisi quia Theologi considerant actus internos, in quibus vere, & principaliter consistit charitas, qua canonizandi tenentur colere Deum, nō autē externos, qui possunt esse nō formati in Deū, quamuis maximi existant. Canonistæ vero actus externos primario considerant, non vt illos existiment præferendos charitati in Deum, sed quia cum actus interni sint soli Deo noti, nec probentur nisi per signa, & actus externos ex eorum magnitudine inferunt qualis, & quanta sit in Deum charitas, & amor

mor . Ideoque Innocentius IV. om-
 nium antesignatus in *cap. primo*
 de rel. & vener. sanct. sic ait Et sic
 „ regulariter hæc canonizatio, quã-
 „ do per probationes constat de fi-
 „ de , & excellentia vitæ , & miracu-
 „ lis eius , qui petitur canonizari
 „ arg. supra de testib. venerabili . Et
 „ oportet tantam esse excellentiam ,
 „ vitæ , & talia esse miracula , quæ
 „ sint supra vires , & potentiam na-
 „ turæ . Item non debet esse vna tan-
 „ tum excellentia vitæ immo oportet
 „ esse multas , & continuas , vt
 „ habes ecclesiast. c. 44. vbi dicitur
 „ laudemus viros gloriosos &c. Idē-
 „ que , & per eadem met verba tra-
 „ dit Hostien. in prefato *cap. 1. de re-*
 „ *liq. & vener. sanct. num. 4. in fin. &*
 „ clarius, & magis specificè idem Ho-
 „ stien. in *cap. venerabil. de testib. &*
 „ *attestat.* cuius dictum reperitur in
 „ gl. verbo *Sedis Apostolicæ in cap. 1.*
 „ *de reliq. & vener. sanct. in 6.* qui-
 „ bus in locis declaratur, in quo con-
 „ sistat excellentia vitæ in canonizan-
 „ dis his verbis . Et nota quod ante-
 „ quam canonizetur , & in sanctorum
 „ cathalogo collocetur , seu scriba-
 „ tur

„ tut, inquirendum est non solum
 „ de miraculis, immo & de vita,
 „ vtrum scilicet vita ei testimonium
 „ prebeat pro laboribus multis, pro
 „ moribus castis, pro actibus stre-
 „ nuis 61. distin. *miramur*. Oportet
 „ autem hoc præsentī testificatione
 „ prædicari, & bonæ famæ præco-
 „ mīis non taceri 12.q.2. *quatuor*, &
 „ maxime queri debet de simplicita-
 „ te, & humilitate *argum. infra de*
 „ *presum. ex studijs*. Nam superbis
 „ Deus restitit, humilibus autem dat
 „ gratiam. Debet etiam quæri an
 „ in vita persecutiones passus fuerit
 „ 7.q. 1. *omnes quæ gemebat, & cap.*
 „ *suspectum est, & sequent.* & vtrum
 „ ex charitate hoc passus sit 1.q.uest.
 „ 1. *Vide quantum bonum sit chari-*
 „ *tas.*

Præfatos authores sequuti sunt in
cap. venerabili de test. Abb. Aret. Felin.
Bald. num. 1. Butr. Bellamera, & Io.
Andreas num. 2. & DD. communit er
in c. 1. de rel. & vener. sanct. Cassan
in catal. gl. mund. par. 3. consid. 49.
in princ. Contel de canoniz. sanct. cap.
14. num. 2.

Hæc tamen doctrina Innocentij
 & Ho-

& Hostiensis non est ita simpliciter intelligenda, vt non egeat aliqua, explicatione. Nam in eo quod dicit. Oportere esse tantam excellentiam vitæ, & talia esse miracula vt sint ultra vires & potentiam naturæ, nec sufficere vnā excellentiam vitæ, immo multas & continuas requiri, ac non sufficere, quod in vno vel semel tantum fuerit gloriosus, sed requiri quod in multis, immo & continue eius vita fuerit gloriosa, & quod excellentia vitæ & miracula talia esse debent, vt excedant vires & potentiam naturæ cadit aliqua difficultas: Nam si illa verba, non sufficere, quod in vno, vel semel fuerit gloriosus, sed requiritur quod in multis &c. intelliguntur de hæroicitate plurium virtutum, & non de actibus hæroicis multiplicatis vnus tantum virtutis, subsistere nequeunt, cum ad hoc vt quis canonizetur non sit necesse, quod in multis virtutibus, sed satis est quod in vna tantum virtute hæroice se gesserit, „ dicente D. Paulo *ad Effes.* 4. Et ipse, se dedit quosdam quidem Apostolos, alios vero Euangelistas, alios

„ alios autem Pastores , & Doctores
 „ ad consumationem sanctorum
 „ in opus ministerij in ædificatio-
 „ nem corporis Christi, & ad *Corin-*
th. 10. Vnicuiq; &c. de quibus supra.
 Quare D. Thomas 1.2.q.66.art.2. Sic
 „ ait Si omnes virtutes essent æque
 „ intensæ in vno , & eodem sequere-
 „ tur , quod quicumque excederet
 „ aliquem in vna virtute , excederet
 „ ipsum in omnibus alijs virtutibus
 „ sed hoc patet esse falsum , quia di-
 „ uersi sancti de diuersis virtutibus
 „ præcipue laudantur, sicut Abraham
 „ de fide , Moyses de mansuetudine,
 „ Iob de patientia . Vnde de quoli-
 „ bet confessore cantatur in ecclesia
 „ non est inuentus similis illi , qui
 „ conseruaret legem excelsi, eo quod
 „ quilibet habuit prærogatiuam ali-
 „ cuius virtutis . Idemque dixit Bo-
 „ zius *de sign. eccl. Dei lib. 7. sign. 3.*
 „ *cap. 7. fol. 285.* dum Inquit . Nam
 „ quamuis virtutes sint inter se con-
 „ nexæ , vt nemini sit vna ; quin ei-
 „ dem sint omnes ; idem tamen om-
 „ nium functiones peragere non po-
 „ test , quia si vni maxime studeat,
 „ remittitur vis eius quo ad opera
 alia.

„ aliarum , cum tamen paratus sit ,
 „ vbi opus est ad illa efficienda , vt
 „ etiam de vnoquoque dicere vere
 „ possit . Non est inuentus similis
 „ illi , qui conseruaret legem excelsi .
 Confirmaturque in sanctis , in quo-
 rum canonizatione impendi ope-
 ram ; in ijs vna tantum virtus præ-
 ter charitatem in Deum , quæ in om-
 nibus exitit eximia , fuit illa quæ
 eos reddidit gloriosos , & summis
 laudibus dignos , cum illam in hæ-
 roico gradu possederint ; licet alijs
 virtutibus fuerint ornatī . Sanctus
 enim Thomas de Villanoua in om-
 nibus refulsit , hæroica tamen in eo
 fuit misericordia in pauperes , &
 hæc fuit communiter in illius cano-
 nizatione præ cæteris celebrata . San-
 ctus Franciscus de Sales in conuer-
 sione hæreticorum ita excelluit , vt
 in ea supra vires naturæ operatum
 fuisse omnes iudicauerint . Sanctus
 Petrus d'Alcantara in pœnitentia , &
 contemplatione insignis fuit accla-
 matus , & sic alij canonizationis ho-
 nore decorati in vna tantum virtute
 refulserunt . Et propterea crederem ,
 quod in processibus canonizationū

necesse est primo probare, quod is,
 qui petitur canonizari, habuerit
 omnes virtutes, & ad hoc sufficere si
 probetur illius sanctitas in genere.
 Deinde oportet, ut constet per actus
 positivos, quod possederit, & se
 exercuerit in virtutibus præsertim
 theologalibus fidei, spei, & charita-
 tis in Deum, & proximum, inter
 quas debet excellere eximia, & non
 vulgaris charitas, & in alijs, quæ
 sunt necessariz ad salutem, & insuper
 in ijs, quæ eius instituto, & statui
 conueniebant, & has necesse est pro-
 bare per actus externos, qui satis
 sunt etiam si non exceßerint com-
 munem vsum operandi, & demum
 requiritur, quod in aliqua particu-
 lari virtute hæroice se gesserit, ut in
 illa Christi fideles habeant exemplū
 imitandi, & hæc quo ad actus ex-
 ternos debet excedere communem
 vsum operandi, & quo ad internos,
 nempe quoad finem operandi, vires
 naturæ, cum debeant esse formati
 eminenti, & heroica charitate.

Interpretanda quoque venit do-
 ctрина Innocentij, & Hostiensis in eo
 quod dicit excellentiam vitæ, & mi-
 racula.

racula debere excedere vires, & po-
 tentiam naturæ. Nam illius dictum
 vel debet restringi ad miracula, vel
 intelligi de excellentia vitæ, quate-
 nus consistit in charitate in Deum,
 & in actibus intrinsecis formatis ea-
 dem charitate, vt infra dicetur alias
 de actibus tantummodo extrinsece
 consideratis nullo modo potest sub-
 sistere, quia omnes actus extrinseci,
 qui peraguntur à seruis Dei possunt
 naturaliter fieri, & excedunt tantum
 vires naturæ, quatenus formantur
 charitate in Deum. Non enim ma-
 ior actus fortitudinis peragi potest,
 quam mortem hilari animo subire
 per Christi nomine, & nihilominus
 multi hæretici, quia noluerunt abiu-
 rare eorum falsa dogmata mortem
 passi sunt, vt testatur Mascardus *de*
prob. concl. 29. nu. 11. cum seqq. Ethni-
 ci innumeri pro defensione patriæ, seu
 pro actibus ab eis, vt opinabatur præ-
 clare gestis potius mori, quàm turpi-
 ter viuere elegerunt. Quamplurima
 extant exempla eximie charitatis er-
 ga patriam. Egregia fuit illa Temi-
 stoclis relata à Valerio Maximo *lib.*
5. capit. 6. & Eborense in *exempl. tit.*
de charit. erga patr. quem virtus sua

victorem ; iniuria patriæ imperato-
 rem Persarum fecerat , utque se ab
 ea opugnanda abstineret , instituto
 sacrificio, exceptum patera tauri sã-
 guinem hausit, & ante ipsam aram,
 quasi quædam pietatis delata vi-
 ctima concidit . Curtij Romani, de
 qua Valerius Maximus, *ubi supra*, &
 Sabellicus *Exem. lib. 8. c. 1.* qui ut pa-
 triam seruaret præcisa omni spe sa-
 lutis in profundam se præcipitavit
 voraginem . Codri Atheniensium
 Regis ab eodem Maximo *ubi supra*
 & Eborensi *in exem. l. tit. de charit.*
erga patr. scripta, qui cum ingenti
 hostium exercitu Attica debellata,
 ferro, igneque vastaretur, diffidentia
 humani auxilij ad Apollinis Delphi-
 ci oraculum confugit, perque lega-
 tos sciscitatus est, quonam modo
 illud tam graue bellum discuti pos-
 set . Respondit ita illi finem fore,
 si ille hostili manu occidisset . Quod
 quidem non solum totis Athinien-
 sium castris, sed etiam contrarijs
 percrebuit . Eoque factum est, ut
 ediceretur , ne quis Codri corpus
 vulneraret . Idq; postquã cognouit,
 depositis insignibus Imperij, fami-
 liarem cultum induit, & palantium
 ho.

hostium globo se se abiecit. Vnum-
 que ex his falce percussum in eadem
 suam compulit, cuius interitu, ne
 Athenæ occiderent effectum est; Ex-
 tremæ itidem paupertatis exemplum
 est Anaxagoræ *Valer. Max. lib. 8. c. 7.*
Sabell. lib. 2. cap. 1. Eboren. in exem.
tit. de contempt. diuitiar. qui vt expe-
ditior sapientiæ incumbere, campe-
stre prædium ad compascui vsum,
suis reliquit cinibus, cæteraque do-
mesticis partitus est. Democriti
Val. max. Sabell. & Eboren. ubi supra
qui non modo cuncta aspernatus est,
sed luminibus etiam se priuauit, vt
contemplationi incumbere, & Dio-
genis Sabell. lib. 3. cap. 15. Io. Gual-
len. in florileg. part. 3. dist. 2. capit.
2. & seq. qui dolio contra frigora, &
calores coque parum integro, solo-
que pallio, & pera fuit contentus,
pedibus, & capite semper discoper-
tus incescit, poculumque fregit ru-
sticum cauis manibus potantem in-
uitus. Mirificæ etiam beneficentiæ
erga inimicos, & offensores Licurgi
Sabell. libr. 5. cap. 3. Eboren. de char.
erga inim. qui post datas Lacidemo-
nis leges non modo æquo animo cu-
lit oculi cæcitatem ab Alexandro

adolescente temerarie illatam , sed
 ipsum iniurię authorem sibi deditum
 benigne, clementerque penes se tam-
 diu habuit, quo ad larga consuetu-
 dine ex improbissimo factus est om-
 nium frugalissimus . Et ne longior
 sim in recēfendo Ethnicorum exem-
 pla ad saturitatem legi poterunt in
 quacumque virtute apud Val. Maxi-
 mum *dictorum , factorum memo-
 rabilium* . Andreā Eborensem
*exempl. Sabellicum eo. tit. Fulgosium
 rerum memorabilium* . Textorem in
*officina Bruslonum fact. & exem-
 plor.* & alios, qui similia exempla
 typis mandarunt. Vnde liquet, quod
 præfati actus, seu facinora naturali-
 ter peraguntur, quia ethnici nullo
 impulsu diuino, sed tantum lumine
 naturæ edocti præfata operati sunt.
 Ideoque idem Hostiensis inter alia
 requisita ad canonizationem in su-
 pra relato *capit. venerabili de testibus*
 dixit debere inquiri . An ex chari-
 tate persecutiones passus fuerit, &
 merito, quia, vt inquit, D. Gregorius
in registr. Martyrem non facit pæ-
 na, sed causa, quod idem procedit
 in quacumque virtute, cum absque
 charitate nomen perfectæ virtutis
 non

non mereatur, & charitas sit radix,
& fundamentum omnium virtutum
secundum D. Thomam 1. 2. *qu.* 62.
art. 4. *in corp.* & *quæst.* 65. *art.* 4.
in corp.

Theologi dcmum altius contem-
plantes asserunt hæroicitatem virtu-
tum consistere principaliter in acti-
bus internis, & præsertim in chari-
tate in Deum; à qua omnes aliæ vir-
tutes formantur, secundario verò in
externis sequuti doctrinam D. Tho-
mæ 1. 2. *quæst.* 61. *art.* 5. *in corp.* ibi
„ patet igitur, quod exemplar hu-
„ manæ virtutis in Deo præexistat,
„ sicut etiam in eo præexistunt om-
„ nium rerum rationes. Sic igitur
„ virtus potest considerari, vel pro-
„ ut est exemplariter in Deo, & sic
„ dicuntur virtutes exemplares, ita
„ scilicet, quod ipsa diuina mens in
„ Deo dicatur prudentia. Tempe-
„ rantia vero conuersio diuinæ in-
„ tentionis ad se ipsum, sicuti in no-
„ bis temperantia dicitur per hoc,
„ quod concupiscibilis conforma-
„ tur rationi. Fortitudo autem Dei
„ est eius immutabilitas. Iustitia
„ vero Dei est observatio legis æter-
„ næ in suis operibus, sicut Plotinus

„ dixit. Et quia homo secundum
 „ suam naturam est animal politi-
 „ cum, virtutes huiusmodi, prout in
 „ homine existunt secundum condi-
 „ tionem suæ naturæ politicæ vocā-
 „ tur, prout scilicet homo secundum
 „ has virtutes recte se habet in rebus
 „ humanis gerendis, secundum quē
 „ modum hactenus de his virtuti-
 „ bus loquuti sumus. Sed quia ad
 „ hominem pertinet, ut etiam ad di-
 „ uina se trahat quātū potest, ut etiā
 „ Philosophus dixit 10. *ethic.* & hoc
 „ nobis in sacra scriptura commēn-
 „ datur multipliciter: secundum
 „ illud Matth. 5. Estote perfecti, si-
 „ cut & Pater vester celestis perfe-
 „ ctus est, necesse est ponere quas-
 „ dam virtutes medias inter politi-
 „ cas, quæ sunt virtutes humanae,
 „ & exemplares, quæ sunt virtutes
 „ diuinæ, quæ quidem virtutes di-
 „ stinguuntur secundum diuersita-
 „ tem motus, & termini, ita scilicet,
 „ quod quædam sunt virtutes tran-
 „ seuntium, & in diuinam similitu-
 „ dinem tendentium, & hæc vocantur
 „ virtutes purgatorię, ita scilicet,
 „ quod prudentia omnia mundana
 „ diuinorum contemplatione despi-
 „ ciat

„ciat, omnemque animæ medita-
 „tionem in diuina sola dirigat.
 „Temperantia vero relinquat in
 „quantum natura patitur, quæ cor-
 „poris vsus requirit. Fortitudinis
 „autem est, vt anima non terreatur
 „per excessum à corpore, & acces-
 „sum ad superna. Iustitia verò est,
 „vt tota anima consentiat ad huius
 „modi præpositi viam. Quædam
 „vero sunt virtutes iam assequen-
 „tium diuinam similitudinem, quæ
 „vocantur virtutes iam purgati ani-
 „mi, ita scilicet quod prudentia
 „sola diuina intueatur. Temperan-
 „tia terrenas cupiditates nesciat.
 „Fortitudo passiones ignoret. Iu-
 „stitia cum diuina mente perpetuo
 „fædere societur, eam scilicet imi-
 „tando, quas quidem virtutes dici-
 „mus esse beatorum, & aliquorum
 „in hac vita perfectissimorum. Hæc
 „D. Thomas. Et hi actus interni, qui
 „dicuntur esse beatorum non perfici-
 „untur ab hominibus, nisi impulsu
 „donorum Spiritus Sancti, quibus
 „fuerunt à Deo decorati, vt infra pa-
 „tebit.

Verum quia à nonnullis, vt supra
 dictum fuit constituuntur tres gra-

dus in via virtutis purgantium, pro-
 ficientium, & perfectorum, non in-
 congruum si vnicuique gradui asse-
 gnetur altera ex prænaratis heroi-
 citatibus. Nam existentibus in via
 purgatiua, in qua homo nedum per-
 uenit ad habitum virtutis, & fortè
 quandoque in altera illarum claudā-
 cat, tribui potest hæroicitas ad fi-
 nem ciuilem, ad cuius assecutionem
 non est necesse, vt quis sit omnibus
 virtutibus ornatus, sed satis est, vt
 aliqua tantum virtute excellat. His
 vero, qui existunt in via illuminati-
 ua, seu proficiētium, & habitum vir-
 tutis sunt adepti, & operantur cum
 charitate in Deum assignari potest
 hæroicitas ponderata à Canonistis,
 quæ principaliter cōsistit in magni-
 tudine operationum extrinsecarum,
 & secundario in actibus intrinsecis.
 eo quia actiones heroicæ aliquando
 potest contingere, vt fiant ab his
 cum aliqua repugnantia intrinseca,
 quod proprium est proficientium.
 Et demum illis, qui gradum perfe-
 ctionis sunt assecuti videtur perti-
 nere hæroicitas ponderata à Theo-
 logis, quæ principaliter consistit i
 actionibus intrinsecis, & secundariò
 in

in extrinsecis, eo quia operantur hilariter, prompte, & cum maximo gaudio, & delectatione ut patet ex supra relata doctrina D. Thomæ.

Cui pariter congruit ponderatio, quæ fieri potest in donis Spiritus Sancti. Nam septem dona numerantur, appellanturque Sapientia, Intellectus, Consilium, Scientia, Fortitudo, Pietas, & Timor, & his quoque nominibus nuncupantur virtutes, & propterea triplici modo possunt considerari, & possideri. Primò naturaliter, vel per habitum acquisitum non tamen formatum charitate in Deum; & tunc illarum actus heroici referendi sunt ad heroicitatem. quā Philosophi statuunt ad finem civilem. Secundò possunt possideri ab hominibus ob habitum virtutis acquisitum formatum in Deum charitate, & tunc heroicitas eorundem constituenda est, ut Canonistæ tradunt, cum in ea principalis ratio habeatur de actibus extrinsecis ipsius virtutis, & secundario de charitate in Deum, à qua formantur. Et tertio prout sunt dona Spiritus Sancti; & tunc illarum possessio constituit hominem in gradu heroico ponderato

rato à Theologis, quia cum præfa-
 ctæ virtutes, prout reguntur à donis
 Spiritus Sancti perficiant hominem,
 ut sequatur diuinum motum, & iste
 motus præsertim consistat in actibus
 internis, ex quibus resultat hilaritas,
 promptitudo, & gaudium, in quo
 statuunt Theologi heroicitatem, in-
 de sequitur, quod heroicitas à do-
 nis constituta conueniat illi, quæ à
 Theologis consideratur. Hinc D.
 „ Thom. 1. 2. *quest.* 68. *art.* 1. *ad* 1.
 „ inquit. Quod huiusmodi dona
 „ nominantur quandoque virtutes
 „ secundum communem rationem
 „ virtutis. Habet tamen aliquid
 „ supereminens rationi virtutis cō-
 „ munis in quantum sunt quedam
 „ diuinæ virtutes perficientes homi-
 „ nem in quantum est à Deo motus.
 „ Vnde Philosophus in 7. *ethic.* supra
 „ virtutem communem ponit quan-
 „ dam virtutem heroicam, vel diui-
 „ nam secundum quam dicuntur
 „ aliqui diuini viri. Et clarius 2. 2.
 „ *quest.* 159. *art.* 2. *ad* 1. ibi dicen-
 „ dum, quod clementia est virtus
 „ humana, vnde directe sibi opponit
 „ crudelitas, quæ est malitia huma-
 „ na. Sed seuitia vel feritas contine-
 tur

„ tur sub bestialitate . Vnde non di-
 „ rectè opponitur clementiæ, sed su-
 „ per excellenti virtute , quam Phi-
 „ losophus vocat hæroicam , vel di-
 „ uinam, quæ secundum nos videtur
 „ pertinere ad dona Spiritus Sancti .
 „ Vnde potest dici, quod seuitia di-
 „ rectè opponitur dono timoris .

Ex quo textu patet , quod etiam
 Philosophi antiqui cognouerunt
 hæroicitatem posse considerari ad
 finem supernaturalem, & quod ultra
 finem ciuilem datur supernaturalis,
 ad quem dirigi possunt nostræ ope-
 rationes, vt clarè etiam scripsit Pic-
 colomineus *de morib. grad. 6. cap. 8.*
 „ his verbis . Si verò hæroica fuerit
 „ per eleuationem ad finem vltorio-
 „ rem , & sublimiorem, quæ magis
 „ propriè hæroica dicitur, ea simili-
 „ ter oritur ex flagranti eius finis
 „ amore, ex vehementique desiderio
 „ connexionis cum vltimo fine, qua
 „ dilectione si mundum , & proxi-
 „ mum quodque diligimus, solum id
 „ facimus per relationem ad Deum .
 „ Hæc secunda , & præclara dilectio
 „ nota Philosophis congruenti ra-
 „ tione respondet eminenti charita-
 „ te Theologorum . Hic est spiritus,

„ & vita, & forma hæroicæ dignita-
 „ tis, sine qua nec esse, nec seruari
 valet. Sed quia carebant lumine fi-
 dei, & veritatis reuelatæ, qualis esse
 iste finis supernaturalis pænitus
 ignorarunt.

Nec ex eo quod dictum est dona
 Spiritus Sancti consistere in præfatis
 virtutibus, quæ etiam iisdem nomi-
 nibus morales recensentur, potest
 inferri, quod in reliquis, & præser-
 tim in Theologalibus, & Cardinali-
 bus desiderentur, quia cum vnum-
 quodque donum respondeat supra-
 dictis virtutibus Theologalibus, &
 Cardinatibus, in ipsis quoque hæ-
 roicitatem existere vi donorum asse-
 rendum est. Dona enim intellectus
 & scientiæ correspondēt fidei *S. Th.*
2. 2. quest. 8. & 9. in princ. ubi Ba-
ñez. Philip. à SS. Trinit. Theol. mist.
par. 2. tract. 2. dist. 2. art. 3. Donum
sapientiæ charitati S. Thom. 2. 2. q.
45. ubi Renez, & Philip. ubi sup. Do-
num consilij prudentiæ S. Tho. 1. 2.
quest. 57. art. 6. ad 1. & 2. 2. qu. 55.
Philip. ubi sup. art. 4. in fin. Donum
pietatis Iustitiæ S. Tho. 22. qu. 121.
Philip. ubi sup. art. 5. in fin. Donū for-
titudinis fortitudini. S. Tho. q. 139.

art. 1. ad 3. Philip. ubi sup. art. 6.
 Et demum donum timoris respon-
 det virtutibus spei Theologicæ, &
 Temperantiæ. *D. Thom. 1. 2. quæst.*
68. art. 4. ad 1. & 2. 2. quæst. 19. &
quæst. 141. art. 1. ad 3. Philip. ubi
sup. art. 3. & 7. in fin.

Cum igitur manifestum sit ex su-
 pra dictis, quod hæroicitas in ordi-
 nem ad canonizationem potest du-
 plici modo principaliter considera-
 ri, vel in actibus internis, vel exter-
 nis, quæ ex his sit magis attendenda
 non ita manifestè liquet. Nam de-
 bere potius vim fieri in actibus ex-
 ternis, ut placet Canonistis suadent
 quod hæroicitas adducta à Theolo-
 gis consistit in actibus internis,
 quorum solus Deus scrutator est,
 nec valet Ecclesia illos deiudicare.
 Item quod canonizatio inter cetera
 fuit instituta, ut fideles imitentur
 actiones servi Dei canonizandi,
 quodque id assequi non valerent, si
 hæroicitas constitueretur in inter-
 nis, quæ oculis, alijsque sensibus
 corporis percipi nequeunt. Et de-
 mum quod heroicitas actuum inter-
 norum non potest dignosci, & pro-
 bari nisi per externos. E contra vo-

ro, quod magis attendenda sit ha-
roicitas actuum internorum, vt opi-
nantur Theologi, quod magis
inuelligandum sit, in quo gradu
charitatis in Deum actus fuerint
gesti, vrget, quod anima est nobilior
sensibus, ideoque illius actus sunt
magis habendi in consideratione.
Item quod actus externi non meren-
tur attendi, nisi quatenus sunt for-
mati charitate in Deum, ita vt pluri-
mi sit existimandus actus elemosy-
nae, aut alterius virtutis, quamuis mi-
nimus peractus cum feruenti chari-
tate in Deum, quam alius, & si ma-
ximus gestus ad finem tantum ciui-
lem, & amore honesti. Et demum,
quod actus externi non excedunt
vires naturae, interni vero in infini-
tum se extendunt ad mensuram gra-
tiae, quam Deus fidelibus à se vnice
dilectis ad hunc effectum dignatur
impartiri.

Hanc tamen opinionum discre-
pantiam crederem facillime posse
distinctione conciliari. Nam indu-
bitatum est, quod duae sunt viae, quae
ducunt ad perfectionem virtutis.
Altera actiua, altera contemplatiua.
Item quod licet sit vna virtus cha-

ritatis, hæc tamen habet riuulum
 à se dimanantem. Fluvius inundans
 est charitas in Deum, riuulus chari-
 tas in proximum propter Deum.
 Item quod connectuntur vita con-
 templatiua, & charitas in Deum, ac
 vita actiua, & charitas in proxi-
 mum, & demum quod charitas in
 Deum, & vita contemplatiua consi-
 stit præsertim in actibus internis, &
 vita actiua, & charitas in proximum
 principaliter in externis siue spiri-
 tualiter, siue corporaliter illi opitu-
 lemur. Et propterea si agitur de
 seruo Dei, qui vitam actiuam sit se-
 cutus, censerem principaliter ex qui-
 rendos esse illius actus externos, co-
 rundemque magnitudinem ad cō-
 stituendam hæroicitatem, cum exer-
 citijs vitæ contemplatiuæ tantum-
 modo fuerit vsus ad meliorem vitæ
 actiuæ operationem, & actibus cha-
 ritatis in proximū totus incubuerit,
 qui vt plurimum consistunt in ope-
 ribus misericordiæ, quæ per actus
 externos exercentur. Si vero agitur
 de seruo Dei, qui vitam contempla-
 tiuam sectatus est, anteponendos
 esse actus internos existimarem,
 cum in vita contemplatiua charitas
 in

in proximos eatenus exerceatur ,
 quatenus ob necessitatem , vel ob
 præceptum obedientiæ , vel stimulo
 charitatis proximo quis tenetur suc-
 currere .

Verum non leue insurgit dubium ,
 quonam modo constare debeat per
 iuridicas' probationes de hæroicita-
 te actuum internorum vi donorum
 Spiritus Sancti gestorum , cum Ec-
 clesia non valeat de illis iudicare ni-
 si per actus externos , qui quandoq;
 sunt adeo minimi , vt nec dum supra,
 sed longe sint infra communem
 vñ m' operandi , vt supra dictum fuit
 de elemosyna . At huic difficulta-
 ti facillimè occurritur , si perpenda-
 tur ; quod dona sibi inuicem conne-
 ctuntur cum charitate , & quod pro-
 ducunt fructus , qui duodecim nu-
 merantur ab Apostolo ad Galat. 5.
 Charitas nempe , gaudium , pax , pa-
 tientia , bonitas , longanimitas , man-
 suetudo , fides , modestia , continen-
 tia , & castitas , & quod efficiunt , vt
 possidentes fruantur octo beatitudi-
 nibus , de quibus Matth. 5. & prop-
 terea si probetur Seruum Dei orna-
 tum fuisse charitate , & in eo emicuis-
 se donorum fructus , & beatitudines ,

procul dubio erit etiam affirmandum, ipsum operatum fuisse vi donorum Spiritus Sancti ut docet D. Thom. 1. 2. *quest.* 68. *art.* 3. *in corp.* & *qm.* 70. *art.* 3. *in corp.*

Signa vero, ex quibus probatur aliquem seruum Dei operatum fuisse ex charitate, decem numerantur à D. Antonino *in sum. par.* 4. *tit.* 6. *cap.* 2. §. 7. & eadem recensentur à B. Laurentio Iustiniano *in libro vite tit. de charit. cap.* 11. Quorum primum est, cum quis libenter, & fructuosè cogitat de Deo. Secundum cum quis libenter de Deo audit, & audita retinet memoriæ. Tertium cum quis libenter cum Deo loquitur, quod fit in oratione, & cum libenter de Deo loquitur. Quartum, cum quis libenter dat pro Deo. Quintum, cum quis libèter pro Deo patitur. Sextum, cum quis mandata Dei obseruat. Septimum, cum quis amat, quæ Deo placent, & odit quæ Deo displicent. Octauum, cum quis frigescit à sollecitudine, & amore mundi. Nonum, cum quis magnum honorem exhibet ministris Dei. Decimum cum quis promptus est, & facilis ad bene operandum

dum propter Deum.

Et signa nonnulla, ex quibus cognoscitur, seruum Dei operatum fuisse vi danorum Spiritus Sancti tradit Medina *In D. Thom. 1. 2. quest. 68. art. 8. fol. mibi 352. §. aliud fundamentum* dum inquit, quod quando quis facit opus virtutis, quod non legitur in diuinis eloquijs, non habetur ex auditu, nec exemplum eius habetur in omni ætate, signum est, quod sit ab instincto Spiritus sancti. Item si quis opus bonum, & studiosum, quod ratione humana, & consilio humano inuestigare non valeo ad instinctum Spiritus sancti referendum est, vt si quis moueatur ad nauigandum ad terram incognitam, quia Spiritus Sanctus dicit multos se in ea ad nostram religionem conuersurum. Ad hoc enim non sufficit fides, neque humana prudentia, sed donum sapientiæ, & intellectus, quo eruditur homo, & donum fortitudinis, vt infracto animo id onus aggrediatur. Et demum quando non potest assignari ratio facti, & opus est studiosum, & rectum in instinctum, & donum Spiritus sancti referendum est.

Quo-

Quomodo autem probentur, beatitudines, quibus frui solent Serui Dei vi donorum Spiritus sancti, tradit pariter D. Thom. 1. 2. *quest.* 69. *art.* 3. *in corp.* Et quomodo probetur heroicitas in seruis Dei, qui vitam contemplatiuam sunt, sequuti, quia colligi valet ex informatione; quam sub alieno nomine impressam ergo tamen peregi super virtutibus theologalibus Beatae Margaritae de Cortona, ideo illam alias Deo dante, imprimere curabo, ut saltem tyronibus, qui causis beatificationum & canonizationum tractandis in congregationibus coram Sanctissimo & S. R. E. Cardinalibus, ac alijs quam plurimis eximijs, ac praestantissimis in omni scientiarum genere viris, qui ad consulendum, adhibentur, incubuerint, habeant, si placuerit, ad imitandum exemplar.

Et licet contra omnia supradicta, quoad heroicitatem ad finem supernaturalem, siue principaliter consistat in actibus internis, siue externis possit opponi, quod actus interni charitatis in Deum, & proximum, a quibus alij ceterarum virtutum formam

nam, & robur accipiunt, nunquam plene probentur, cum actus externi possint esse simulati, & ficti, nihilominus, si probetur humilitas, & perseverantia in bonum, & miracula post mortem à Deo intercessione canonizandi patrata, nulla prorsus remanebit ansa dubitandi, quod actus externi nō fuerint formati charitate in Deum, & proximum, & quod non probentur gesti vi donorum Spiritus Sancti.

Et quo ad humilitatem, cum causa, & fundamentum hypocrisis, seu fictionis sit superbia, si virtute humilitatis illi contrarię tollatur, impossibile est, quod actus esse possint simulati, & ficti, cum sublata superbia, simulationem quoque evanescere sit necesse. Quapropter D. Cyprianus *serm. de nat. Chris.* dicit humilitatem esse fundamentum sanctitatis, sicut initium operis peccati est superbia. D. Bernardus *sermon. 1. de Nativit.* esse fundamentum, & custodem virtutum. D. Gregorius *moral. lib. cap. 13.* esse matrem, & magistram virtutum. D. Hieronymus *in epist. ad Eustachium* esse primam virtutum Christianarum, & D. Tho-

mas

mas 22. *qu.* 161. *art.* 5. *ad secundum*
 inquit, quod sicut congregata vir-
 tutum congregatio per quamdam
 similitudinem ædificio compara-
 tur, ita etiam illud quod est primū
 in acquisitione virtutum funda-
 mento comparatur, quod primo
 in ædificio iacitur. Vnde primum
 in acquisitione virtutum potest
 accipi dupliciter. Vno modo per
 modum remouentis prohibens, &
 sic humilitas primum locum te-
 net, in quantum scilicet expellit
 superbiam, cui Deus resistit, &
 prohibet hominem subditum, &
 paruulum ad suscipiendum influ-
 xum diuinæ gratiæ, in quantum
 euacuat inflationem superbiæ: Vn-
 de dicitur Iob. 4. Quod Deus su-
 perbis resistit, humilibus autem dat
 gratiam.

Et quo ad perseuerantiam, quia
 cum homo nequeat perseuerare
 in bono opere absque speciali gra-
 tia diuina, merito ex illa proba-
 tur, actus externos fuisse gestos vi
 donorum Spiritus sancti, vt ait D.
 Thomas, 22. *quæst.* 137. *art.* 4. *in corpor.*
 ibi, quod perseuerantia dupliciter
 dicitur. Vno modo pro ipso ha-
 bitu

„bitu perseverantiæ secundum quod
 „est virtus, sed hoc modo indiget
 „domo habitualis gratiæ, sicut &
 „ceteræ virtutes infusæ. Alio modo
 „potest accipi pro actu perseveran-
 „tiæ durante usque ad mortem; Et
 „secundum hoc indiget non solum
 „gratia habituali, sed etiam gratuito
 „Dei auxilio conservantis hominem
 „in bono usque ad finem vitæ, quia
 „cum liberum arbitrium de se sit
 „vertibile, & hoc ei non tollatur per
 „habitualement gratiam præsentis vitæ
 „non subest potestati liberi arbitrii
 „etiam per gratiam reparatæ. Sicut se
 „immobiliter in bono statuatur, licet
 „sit in potestate, quod hoc eligat. Hinc
 B. Laurentius Iustinianus *in ligno*
vite tit. de perseverantia cap. 2. in fin.
 „Tolle, inquit, hanc scilicet perseve-
 „rantiam, nec obsequium merce-
 „dem habet, nec beneficium gra-
 „tiam, nec laudem fortitudo. Sola
 „est, cui æternitas redditur, vel po-
 „tius, quæ æternitati hominem red-
 „dit. Dicente Domino, qui autem
 „perseveraverit usque in finem, hic
 „salvus erit, ideoque si omnes vir-
 „tutes ad cælum possessorem suum
 „trahunt, hæc tamen sola accipit
 braviu
 Er

Et denum quo ad miracula post mortem, quia cum Deus illa non pereretur, nisi ad demonstrationem sanctitatis illius, quem vult hominibus proponere in exemplum virtutis iuxta doctrinam D. Thomæ 22. 178. art. 21. in corp. inde sequitur quod probatis miraculis post mortem ad intercessionem alicuius serui ei, constet eundem frui æterna beatitudine, operaque illius dum viveret, non fuisse simulata, & ficta, sed gesta vel speciali gratia diuina, vel vi donorum Spiritus sancti. Ideoque Theologi, & Canonistæ vno ore sententur, quod in canonizationibus præsertim confessorum requiritur copulatiue probatio virtutum, & miraculorum. Virtutum ad essentiam ipsius canonizationis; Miraculorum ad euidentem probationem seruum Dei obiisse in gratia diuina, & post mortem in cælis cum Deo regnare c. 1. de rel. & vener. Sancti. ubi Io. Andr. num. 4. Host. num. 5. Abb. num. 5. Fagnan. num. 13. gl. in c. unico cogit. verb. Sedis Apostolicæ, ubi Archid. num. 5. Hostien. in summa eo. tit. num. 3. vers. item querendum est. Filin. in c. venerabili, de testibus n. 1. Bellamer

mer n. 2. vers. quarto notat. Butr. n. 2. Aretin. n. 1. Silvester in summa verb. canonizatio. num. 1. par. 2. vers. in quiritur. Tabien. eo. verb. num. 2. Angel. num. 1. Cassane. in catbal. glor. mund. par. 3. confid. 49. Azor. instit. mor. lib. 5. cap. 6. §. septimo queritur. Castellin. de dilat. canoniz. par. 2. fol. mihi 92. Rocc. de canonizat. sanct. cap. 8. in fin. Maluet. eo. tit. dub. 3. num. 37. Contilor. eo. tit. cap. 20. num. 2. Rota fere in omnibus relationibus, & præsertim Sancti Thomæ de Villanova post probem. ver. quod autem impress. post Contilor. de Canonizat. Sanct. B. Aloysij Gonzaghe ad fin. probem. B. Pasqualis Bannylon. tit. de mirac. in princ. S. Hiacinti tit. de fid. Summique Pontifices fere omnes in bullis canonizationum, & præsertim Innocentius III. in bulla canonizationis Sancti Homoboni. Panuinus in relatione Sancti Bonaventuræ par. 1. art. 8. & 9. & alij relati à Castellin. de certitud. glor. sanctorum cap. 8. punct. 21. per tot. & clarius ceteris Greg. 11. in Bulla Canonizationis Sancti Antonij de Padua. cor. 4.

F I N I S

